

Alpha Apps



Ponuda softverskog rješenja
za finansijski odjel fakulteta

Zagrebačka bb,
71000 Sarajevo,
BiH

033/000-111

3/24/2015

Poštovani,

s obzirom na modernizaciju svih aspekata života i rapidnog razvoja tehnologija, informacijski sistemi su uveliko zaživjeli i u obrazovnim institucijama. Softveri su postali glavni alati koji olakšavaju rad i omogućavaju centralizovano upravljanje podacima. Obrazovne institucije raspolažu sa velikom količinom podataka, tako da evidencija i ažuriranje podataka na „tradicionalan način“ umanjuje kvalitet rada i ne garantuje ispravnost konačnog ishoda. Zbog velikih ulaganja u obrazovanje, trenutno naša država nudi mogućnost obrazovanja na velikom broju privatnih univerziteta. Kako taj broj, iz dana u dan, raste, javlja se potreba za modernizacijom obrazovnog sistema.

Glavna odlika modernizacije je uvođenje softverskih rješenja za pojedinačne sektore ustanove. Na tržištu se nalazi mnogo kompanija koje se bave izgradnjom softverskih rješenja, no svaka od njih se zasniva na različitim principima rada. Stoga se postavlja pitanje zašto bas izabrati naše softversko rješenje?

„Alpha Apps“ je kompanija koja se bavi izgradnjom softvera od 2008. godine, a osnovna ideja osnivanja naše kompanije je poticanje mladih inženjera da unutar tima razmjenjuju svoje ideje i na osnovu svoga znanja, umijeća i iskustva proizvode softverska rješenja. Tajna našeg uspjeha je što se „Alpha Apps“ kompanija ne oslanja na kvantitet, nego na kvalitet softverskih rješenja, te samim time svaki novi projekat je novi izazov za naš tim. Kvalitet naših softverskih rješenja se ogleda u poštivanju zahtjeva klijenata, te otklanjanju svih restrikcija vezanih za funkcionalnost softvera kako bi bio što jednostavniji za upotrebu i održavanje.

Analiza problema

Naša kompanija već ima iskustva u izgradnji softverskih rješenja za obrazovne ustanove, te smo poprilično upoznati sa potrebama takvog sistema. Sistem za podršku fakultetskoj blagajni bi trebao centralizirati upravljanje podacima o finansijama, te samim time olakšati rad finansijskoj službi fakulteta. Kao što je već naglašeno, glavna funkcionalnost našeg sistema jeste podrška procesu evidentiranja, ažuriranja i pohrane podataka, te optimizacija ključnih faktora navedenih procesa.

Odabirom našeg softvera, osim lakog pristupa podacima, garantujemo i zaštitu podataka na visokom nivou. Podaci se putem sistema pohranjuju na određene lokacije u centralizovanoj bazi podataka, odakle se mogu i učitavati. Unosom podataka se kreira „profil“ svakog studenta, koji naknadno može biti ažuriran i samim time je olakšana pretraga podataka o studentima. Isto tako, naš sistem omogućava pretragu podataka po određenim kategorijama.

Sistem pruža i mogućnost automatskog slanja e-maila studentu koji je prekoračio rok uplate školarine, u kojem se ističe da student neće biti u mogućnosti izaći na ispite dok školarina ne bude plaćena. Također svaki student može kupiti stručnu literaturu što će također biti jedna od funkcionalnosti sistema.

Prednosti korištenja našeg softvera

- Jednostavna upotreba - prikladna čak i korisnicima sa niskim stepenom informatičke edukacije
- Detaljna dokumentacija - olakšava preglednost i upravljanje podacima
- Pouzdanost - redovan back-up podataka sprečava potencijalno gubljenje važnih podataka
- Konkurentnost na tržištu - moderniji sistem će obezbijediti bolju konkurentnost ustanove među ostalim konkurentima u izabranoj tržišnoj niši
- Efikasnost i isplativost - centralizirani podaci povećavaju efikasnost poslovanja, smanjenje utroška vremena je direktno proporcionalno smanjenju utroška novčanih sredstava, te naravno većem zadovoljstvu Vaših studenata
- Brza pretraga podataka – omogućena pretraga po određenim kategorijama

Moduli i funkcionalnosti

Informacioni sistem za fakultetsku blagajnu konceptualno se sastoji od sljedećih funkcionalnih modula:

Kontrola podataka:

- validacija podataka
- dodijeljena prava pristupa podacima
- kontrola i ažuriranje podataka
- pretraga podataka po kategorijama

Evidencija podataka o studentima:

- unos osnovnih podataka o studentima
- unos podataka o uplatama školarine svakog pojedinačnog studenta
- unos podataka o mogućim popustima na školarinu
- evidencija o načinu plaćanja (plaćanje u ratama, plaćanje cjelokupnog iznosa)
- evidencija o kupljenoj literaturi svakog studenta

Kreiranje izvještaja:

- kreiranje izvještaja o studentima, te njihovim finansijskim zaduženjima prema fakultetskoj ustanovi
- dodjela prioriteta izmirenja dugova
- automatsko slanje maila upozorenja u slučaju prekoračenja roka uplate školarine

Ponuda

Naš informacioni sistem je skalabilan i prilagodljiv. Za implementaciju cjelokupnog sistema potrebno je maksimalno tri mjeseca, te cijena iste iznosi 11 000 KM. Cijena obuhvata proizvod, odgovarajuću prateću dokumentaciju i pisano uputstvo za upotrebu dostavljenog sistema. Također, u našu ponudu je uključeno i besplatno šestomjesečno održavanje, a svako naredno održavanje nakon isteka besplatnog perioda se plaća po cijeni: 6 mjeseci-500 KM tj. godišnje održavanje sistema košta 1000 KM. U slučaju hitnih intervencija, naš tim Vam je uvijek na raspolaganju (hitne intervencije su uključene u cijeni za održavanja sistema). Nadamo se da ćete prepoznati naš kvalitet i ostvariti suradnju sa nama.